

“Фарғонадонмахсулотлари” АЖ бошқаруви раисининг 2021 йил 1 чорак фаолияти тўғрисида ҲИСОБОТИ

Ассалому алайкум йигилиш иштирокчилари!

Ўзбекистон Республикаси Ҳукумати, вилоят ҳокимлиги томонидан берилган топшириқлар, “Ўздонмахсулот” АЖ раҳбарияти томонидан белгиланган прогноз параметрларга беками-кўст эришиш мақсадида жамият бошқаруви томонидан доимий ва тизимли ишлар бажариб келинди.

Бизнинг корхонамизда 2021 йил 1 чорак давомида оширилган ишлар тўғрисида ҳамда кузатув кенгаши томонидан 2021 йил 1 чорак учун мулжалланган бизнес режани бажарилиши ҳисоботига тўхталиб ўтсак;

Маҳсулот сотишдан тушум **31 млрд. 551,4 млн. сўм** режалаштирилган бўлиб, амалда **45 млрд. 375,5 млн. сўмни** ташкил этди, бу кўрсаткич ўз навбатида **143,8 фоизга** бажарилди.

Бизнес режага кўра амалдаги нархларда **31 млрд. 513,3 млн. сўм** маҳсулот ишлаб чиқариш режалаштирилган бўлиб, ҳақиқатда **31 млрд. 47,0 млн. сўмлик** маҳсулотлар ишлаб чиқарилди. Бу мақсадда белгиланган режа кўрсаткичи **98,5 фоизга** уддаланди.

Жумладан:

Ун маҳсулоти ишлаб чиқариш **11,7** минг тонна режалаштирилган бўлиб, ҳақиқатда **10,2** минг тонна ишлаб чиқарилди. Яъни ўтган йилнинг мос даврига нисбатан **84,7 фоизга** уддаланди. Ушбу жараён ишлаб чиқариш учун сарфланадиган буғдой хом-ашёсининг ажратилиш ҳажми (наряд) га боғлиқ бўлди ва ўтган йилда пандемия шароитида маҳсулот тақчиллигига йул кўмаслик, ички бозор нархларини ўсиб кетмаслигини таъминлаш ҳисобига кўпроқ ун ишлаб чиқарилганлиги боис, бу йил бизнес режадаги топшириқга кўра кам миқдорда ун ишлаб чиқарилди.

“Ўздонмахсулот» АЖ бошқаруви томонидан аҳолини озиқ-овқат маҳсулотлари билан узлуксиз таъминлаш, мавжуд ишлаб чиқариш қувватларидан самарали фойдаланиш, ўсиш суръатларини бажариш мақсадида “Фарғонадонмахсулотлари” АЖга 2021 йил январ ойида ун ишлаб чиқариш ҳажми **3606 тонна**, феврал ойи учун **3610 тонна**, март ойи учун **3610 тонна** этиб, 1-чорак учун жами - **10826 тонна** белгилаб берилган. Шунга мос ун маҳсулотнинг хом-ашёси ҳисобланган буғдой ишлатилган.

Шу ўринда алоҳида жиҳатларига эътибор қаратишни хоҳлаган бўлар эдик, бу ун ишлаб чиқаришдан олинадиган иккиламчи маҳсулотлар (*кепак, дон чиқиндилари*) омихта ем маҳсулоти ишлаб чиқариш саноати учун хом-ашё ҳисобланади. Шунга кўра, 2021 йилнинг 1-чорагида ун ишлаб чиқаришнинг камайиши ҳисобига омихта ем маҳсулоти ишлаб чиқариш ҳажми ҳам камайишига ўз таъсирини кўрсатди.

Омухта ем маҳсулоти **4,8 минг тонна** ишлаб чиқариш режалаштирилган бўлиб, ҳақиқатда **6,5 минг тонна** ишлаб чиқаришга эришилди. Бизнес режага нисбатан **136,3 фоизни** ташкил этди, омихта ем ишлаб чиқариш ўз навбатида ун ишлаб чиқаришдан олинган иккиламчи маҳсулот (кепак. дон чиқиндилари) камайганлиги ҳисобига ўтган шу даврга нисбатан **90,5 тонна** кам ишлаб чиқарилди.

Жамият тасарруфидаги МЧЖлар томонидан **903,2 тонна нон ва нон булка** маҳсулотлари ҳамда **541,3 тонна макарон** маҳсулотлари ишлаб чиқарилиб аҳолига сотилди.

Сотилган маҳсулот рентабеллиги ўртача **6,7 фоизни** ташкил этди.

Бугунги кунда корхонамизда **446 нафар** ишчи ходимлар меҳнат қилмоқда. Ходимларнинг ўртача иш ҳақи **2,8 млн. сўмни** ташкил этиб, бу маошлари ўз вақтида тўлаб борилмоқда.

Ўзбекистон Республикаси Вазирлар Маҳкамасининг 2019 йил 28 сентябрдаги 806-сонли ҳамда вилоят ҳокимининг 2020 йил 25 ноябрдаги Қ-159 сонли қарорлари ижроси бўйича 2021 йил ҳосили учун хўжаликлар томонидан етиштирилган ғалла маҳсулотлари бош корхонамиз ҳамда Фарғона ДҚҚШ, Ёзёвон ДҚҚШ дон қабул қилиш шаҳобчалари ва “Марғилондон” филиалимизга қабул қилиниши мўлжалланган бўлиб, ҳозирда ушбу филиал ва шаҳобчалар дон қабул қилиш мавсумига тайёр ҳолга келтирилди.

Давр харажатлари **2 млрд. 918,1 минг сўмни** ташкил этди. Жумладан, сотиш харажатлари **2,6 млн. сўмни**, маъмурий харажатлар **695,6 млн. сўмни**, бошқа операцион харажатлар эса **2 млрд. 219,9 млн. сўмни** ташкил этди.

Жумладан 2021 йил 1-чорак мобайнида бюджетга 7 млрд. 958,4 млн. сўм ҳисобланиб, шу даврда **5 млрд. 618,3 млн. сўм** тўланган, фермер хўжаликлар томонидан сотиб олинган дон қийматидаги ҚҚС (зачёт) ҳисобига кам тўланган.

Молиявий фаолиятнинг бошқа даромадлари 138,3 млн. сўмни ташкил этиб, эркин маблағларни банкга жойлаштириш ҳисобидан даромад олишга эришилган. 2021 йил 1-чоракда **2 млрд. 637,9 млн. сўм** соф фойда олинган.

Бугунги кунда ҳам жамиятни иқтисодий кўрсаткичларини янада яхшилаш, корхонамизга қабул қилинган донни сифатли сақлаш, маҳсулотларни давлат стандартлари асосида ишлаб чиқариш чоратадбирлари устида изланишлар давом эттирилмоқда.

Бошқарув раиси:

19.05.2021 йил



А.Рўзматов